



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Grundtlicher warhafftiger Bericht inn drey vnd dreissig
Conclusiones verfaßt/ Wie das die vermeinten
Euangelischen Predicanten/ nit allein von der letsten/
sonder auch von der Ersten Römischen vnnnd ...**

Haidlauff, Sebastian

Gedruckt zů Jngolstatt

VD16 H 852

VII. Jn vnd bey den H. Sacramenten soll man nit zwiträchtig/ sonder
einhellig sein.

urn:nbn:de:hbz:466:1-36929

Die vierde Erinnerung.

Zum vierdten vnd letzten hat sich ein Catholischer Christ / bey diser Conclusion von den guten wercken hoch zuerinnern / ja zuerfrewen vñ trösten / das er noch in der Kirchen ist / wöliche der ersten Kirchen ähnlich vnd gemäß lehit / glaubt vnd helt. Dann wie man in der ersten Kirchen gelehit / die guten Werck haben ein verdienst vor Gott / also lehit man in vnser heyligen Römischen vnd Apostolischen Kirchen noch. Wöllest dich derhalben von vns nit absündern / damit du nicht / nach des Schmidels selbs aigen vrtheil / ein verstorben abgeschnitten Glied der Kirchen Gottes werdest.

VII.

Ein Proposition / von den Heiligen Sacramenten.

In vnd bey den heyligen Sacramenten soll man nicht zweyträchtig / sonder einhellig sein.

Victor.

Diese Proposition kan auch warhafftiglich bewisen vñ dargethon werden. Dann hier von schreibt der H. Papsst Victor / der dreyzehend Römisch Bischoff / in seiner Epistel an die Africanischen Bischoff nachgehende wort: Quia propter oportet uos fratres unanimes esse, & administrum uicissim ferre. In recta ergo fide, et in Sacramentis Diuinis nō discrepare, sed cōcordes esse. Daz ist: Derhalbē müst jr brüder eines willens sein / vñ einan-

der helffen / vnd darumb im rechten Glauben vñ
 Göttlichen Sacramenten nit zwitterächtig / son-
 der einhellig sein. Wirt aber das auch bey den Pre-
 dicanten gehalten? Nichts weniger. Dann jetzt
 sein bey ihnen zwey Sacrament / bald drey / bald
 viere / bald sechs / In summa / zu Leipzig zelt man
 drey / zu Wittenberg viere / zu Gena zwey / vñ ist
 also bey den Predicanten durchaus kein einhellig-
 keit der 7. Sacramenten halben. Hie erinner dich
 abermals ettlicher stück du frommer Christ.

Die erste Erinnerung.

Diweil dann die Predicanten nicht eins seindt
 der heyligen Sacrament halben / so volget dar-
 auf / das sie von der ersten Römischen Kirchen
 seindt abgefallen / vñnd demnach abgeschnitte
 verstorben Glieder der wahren Kirchen Christi /
 irem selbst aigen vrtheil vñ sentenz nach / vnd von
 disem irem sentenz vnd vrtheil / wöllen wir auch
 nit appellieren / sonder dasselbig passieren lassen /
 so lang vnd vil bis das sie iren irthumben vrlaub
 geben / vñnd lehren / wie man in der ersten Römis-
 schen Kirchen gelehrt hat.

Die ander Erinnerung.

Zum andern / hat sich ain Catholischer Christ
 abermals zuerinnern / dz die Predicanten mit vn-
 grund der warheit sich behümen / als lehren sie /
 wie man in der ersten 7. Apostolischen Kirchen
 7 7 gelehrt

Ein Conclusion / von den
gelehrt hab. Dañ weñ dem also wär / vñ sie nicht
mit lügen vmbgiengen / so müßten sie jetzt nit zwey
Sacrament machen / bald drey / bald widerumb
viere / bald sechse / vñ das alles kan kein Predicant
laugnen.

Die dritt Erinnerung.

Zum dritten hat sich ein Christ züerinnern / ja
züerfrewen / das man (Gott lob) noch heütigs
tags / in der H. Römischen Kirchen der H. Sa-
crament halb nit zweyträchtig / sonder durch auß
einhellig ist an allen enden vñ orten / wa Catholi-
sche Christen sein: Dieweil man dañ noch heütigs
tags in vnser Kirchen lehrt / wie man in der er-
sten Kirchen gelehrt hat / vñ in der zal der H.
Sacrament bey vns durch auß kein zwitacht ist /
sonder alle Catholische Christen sibem Sacramit
halten vñ glauben. Demnach soll sich keiner von
vns absündern / damit er nicht nach Doctors An-
dree mainung ein verstorben / abgeschniten Glied
werd der wahren Kirchen Christi.

Ein Proposition von der H. Selung.

Die H. Selung bey dem hailigen Sacrament der
Tauf / ist in der ersten Römischen Kir-
chen im brauch gewesen.

VIII.

Diese Proposition kan auch ganz leicht wär-
hafftig gemacht werden. Vñ zwar auß des
hailigen Pappsts vñ Martyrers Clementis
Romani